




Broj: 05-50-1-436/17
Sarajevo, 30.3.2017. godine

**PARLAMENTARNA SKUPŠTINA
BOSNE I HERCEGOVINE**

- Zastupnički dom -

SARAJEVO



PREDMET: Odgovor na zastupničko pitanje – dostavlja se

Ministarstvo obrane Bosne i Hercegovine, dopisom broj: 04-50-292-3/17 od 23.3.2017. godine, dalo je odgovor na pitanje koje postavio Zaim Backović, zastupnik u Zastupničkom domu Parlamentarne skupštine Bosne i Hercegovine.

U pritvku prosljeđujemo navedeni dopis i odgovor na postavljeno pitanje, radi njegovog dostavljanja zastupniku.


S poštovanjem,

GENERALNI TAJNIK
Zvonimir Kulleša



Broj: 04-50-292-3/17
Sarajevo, 23.03.2017. godine

**VIJEĆE MINISTARA BOSNE I HERCEGOVINE
GENERALNI SEKRETARIJAT**



PREDMET: *Odgovor na poslaničko pitanje, dostavlja.-.*

*VEZA: Vaš akt broj:05-50-1-436/17 od 16.03.2017. godine
Akt Parlamentarne skupštine BiH broj:01-50-1-15-42/17 od 13.03.2017.
godine*

U prilogu akta dostavljamo Vam odgovor na postavljeno poslaničko pitanje Zaima Backovića poslanika u Predstavničkom domu Parlamentarne skupštine Bosne i Hercegovine.
Molimo Vas da odgovor nakon razmatranja i utvrđivanja proslijedite Parlamentarnoj skupštini Bosne i Hercegovine.

S poštovanjem,



MINISTRICA
Marina Pendeš

Dostaviti:

- Naslovu
- a/a



Broj: _____ /17
Sarajevo, _____ 2017. godine

ODGOVOR

Zaim Backović, poslanik u Predstavničkom domu Parlamentarne skupštine Bosne i Hercegovine, dostavio je poslaničko pitanje koje je usmeno postavljeno na 42. sjednici Predstavničkog doma Parlamentarne skupštine Bosne i Hercegovine.

„.... Obzirom da je srazmjer 5:2:2 vrijedio za odnos između Hrvatske, Bosne i Hercegovine i SR Jugoslavije, kakav je danas ekvivalent, naime poznato je da je SR Jugoslavije više nema i da se ista disoluirala u tri države Srbiju, Crnu Goru i Kosovo. Ko, kako i na koji način vrši praćenje i koordinaciju obzirom da je striktno mirovnim sporazumom navedeno da to radi NATO, ko su osobe ili institucije iz BiH koje su nadležne za ovaj dio Sporazuma“.

Na postavljeno zastupničko pitanje Vijeće ministara Bosne i Hercegovine je na ____ sjednici održanoj _____ godine utvrdilo sljedeći

ODGOVOR

Shodno članu IV Aneksa 1-B, Opšteg okvirnog sporazuma za mir u Bosni i Hercegovini i na osnovu toga proisteklog Sporazuma o subregionalnoj kontroli naoružanja, potpisanog u Firenci, 14. juna 1996. godine, utvrđeni su gornji limiti u pet kategorija konvencionalnog naoružanja (borbeni tenkovi, artiljerija kalibra većeg od 75 mm, oklopna borbeno vozila, borbeni avioni i jurišni helikopteri) koje nije dopušteno prelaziti. Sporazum ne obavezuje članice da se utvrđeni limiti moraju dostići.

Pored konkretnih numeričkih ograničenja u pet kategorija konvencionalnog naoružanja, Sporazum sadrži i odredbe o razmjeni informacija i obavještenja, mehanizam verifikacije (provođenje inspekcija) i druge insitucionalne aranžmane za kontrolu njegove primjene kao što je uloga Centra za sprječavanje sukoba OEBS-a.

Provođenje sporazuma se odvija kroz uzajamne inspekcijske posjete kao jedini način potvrđivanja (verifikacije) podataka navedenih u Godišnjim informacijama o naoružanju ograničenog Sporazumom, koje strane razmjenjuju na kraju svake godine.

Pored godišnje razmjene informacija strane u sporazumu su obavezne i da obavijeste ostale strane u Sporazumu i Centar za sprječavanje sukoba OSCE-a o bilo kojoj trajnoj promjeni u organizacionoj strukturi svojih snaga najmanje 42 dana prije promjene ili u slučajevima kada je promjena izvršena bez prethodnog obavještenja, najkasnije u vrijeme stupanja promjene na snagu, kao i o bilo kojoj promjeni od 10 % ili više u brojnom stanju ljudstva ili u bilo kojoj od pet kategorija naoružanja ograničenog Sporazumom kao i u kategoriji „vozila slična oklopnim borbenim vozilima“ od posljednje godišnje razmjene informacija, najkasnije pet dana nakon takve promjene.

Otvorena pitanja se rješavaju na sastancima Subregionalne konsultacijske komisije (SRKK), u prisustvu predstavnika Centra za sprječavanje sukoba OSCE-a. Bosnu i Hercegovinu u Subregionalnoj konsultativnoj komisiji predstavlja visoki službenik iz Ministarstva inostranih

poslova, imenovan od strane Predsjedništva Bosne i Hercegovine. U skladu sa potrebama i zahtjevom predstavnika BiH u Subregionalnoj konsultativnoj komisiji na sastancima SRKK se angažuju i vojni eksperti iz Ministarstva odbrane i Oružanih snaga BiH.

Na osnovu Bilateralnog sporazuma između Republike Srbije i Crne Gore potpisanog 06. jula 2007. godine u Podgorici, strane u Sporazumu su na 41. sastanku SRKK održanom dana 14.10.2008. godine u Pržnom, Crna Gora, potpisale amandman na Sporazum, prema kojem su umjesto državne zajednice Srbije i Crne Gore strane u Sporazumu postale Crna Gora i Republika Srbija. Istim amandmanom su utvrđena numerička ograničenja naoružanja ograničenog sporazumu sa svaku od ove dvije strane pojedinačno.

Ministarstvo odbrane BiH u skladu sa nadležnostima propisanim u Zakonu o odbrani Bosne i Hercegovine vrši analizu razmijenjenih informacija i obavještenja, te u skladu sa tim planira, organizuje i realizuje inspekcije i verifikacione aktivnosti u državama članicama Sporazuma.

Na osnovu razmijenjenih godišnjih informacija, inspeksijskih izvještaja i formata obavještenja strana u Sporazumu može se zaključiti da sve države članice Sporazuma imaju u posjedu naoružanje ograničeno sporazumom ispod propisanih limita, te da nije bilo kršenja Sporazuma.

Pregled naoružanja ograničenog sporazumom strana u Sporazumu po kategorijama navedenog u godišnjoj razmjeni informacija strana za 2017. godinu, dostavlja se u **Prilogu**.

Prilog 1.

**PREGLED NAORUŽANJA OGRANIČENOG SPORAZUMOM STRANA U SPORAZUMU
PO KATEGORIJAMA U GODIŠNJOJ RAZMJENI INFORMACIJA ZA 2017. GODINU**

Kategorija naoružanja		Bosna i Hercegovina	Crna Gora	Republika Hrvatska	Republika Srbija
Borbeni tenkovi	Odnos limita	2	0,375	2	4,625
	Limit	410	77	410	948
	U posjedu OS	325 ili 79,30%	0	234 ili 57,10%	473 ili 49,89%
	Izuzeci	27	1	6	108
	Ukupno/ %	352 ili 86,10 %	1 ili 1,30%	240 ili 58,54%	581 ili 61,29%
Oklopna borbeno vozila	Odnos limita	2	0,365	2	4,635
	Limit	340	64	340	786
	U posjedu OS	272 ili 80%	7 ili 12,50%	179 ili 52,65%	562 ili 71,50%
	MUP	10	3	13	25
	Izuzeci	12		48	40
	Ukupno/ %	294 ili 86,47%	11 ili 17,19%	240 ili 70,56%	570 ili 79,77%
Artiljerija	Odnos limita	2	0,5	2	4,5
	Limit	1500	375	1500	3375
	U posjedu OS	1375 / 91,70%	135 / 35%	1385 / 92,33 %	2184 / 64,71%
	MUP	0	0	0	140
	Izuzeci	104	4	6	251
	Ukupno/ %	1479 / 98,60%	139 / 37,07%	1391 / 92,73 %	2443 / 76,30%
Borbeno avijacija	Odnos limita	2	0,387	2	4,613
	Limit	62	12	62	143
	U posjedu OS	19 / 30,70%	4 / 33,33%	12 / 19,35%	77 / 53,85%
	Izuzeci	3		11	2
	Ukupno/ %	22 / 35,48 %	4 / 33,33%	23 / 37,10%	79 / 55,30%
Jurišni helikopteri	Odnos limita	2	0,66	2	4,34
	Limit	21	7	21	46
	U posjedu	7 / 33,33%	6 / 85,70%	7 / 33,33%	30 / 65,20%
	Izuzeci			2	
	Ukupno/ %	7 / 33,33%	6 / 85,70%	9 / 42,86%	30 / 65,20

Vozila slična oklopnim borbnim vozilima	Ova kategorija nije ograničena Sporazumom, ali su stime obavezne da je prijave u informaciji	98	13	67	352
---	--	----	----	----	-----

Ljudstvo		9581	1950	16032	23817
----------	--	------	------	-------	-------